



Gatikako Udala  
Bizkaia

# URONDOKO TXOKOAREN BARNE ARAUTEGIA

- ✓ Eskatzaileak, txokoa erabiltzeko Gatikako Udalaren baimenaren jakinarazpen ofiziala jasotakoan, lokaleko giltza jaso beharko dau Gatikako Udaletxean, txokoa erabiliko dan egunean bertan, astebuirua ez bada. Hala bada, giltza aurreko barikuan jasoko da.
- ✓ Horretarako egokiak diran tasak pagau beharko dabez eskudirutan, edo Kutxabankeko (2095-0055-61-2055000103) kontuan sartu dirua, eskatzailea esanez.
- ✓ Txokoan 50 mahaikiderentzako behar dan tresneria dago (mantelak, zapiak, sukaldeko trapuak, mahai-tresnak, ontziak, beirateria, sukaldeko ontziteria, etab.).
- ✓ Eskatzaileak eta bere lagunek jakiak egiteko beharrezkotzat eristen dabena eroan beharko dabe.
- ✓ Txokoko zerbitzuen erabiltzaileek arreta handiz beteko dabez txokoa erabiltzeko jarraibideak eta ezarritako araudiak, bai eta lokalean bertan dagozan informazio-oharrak be.
- ✓ Txokora ezin izango da txakurrik edo bestelako animaliarik sartu.
- ✓ Udal-titulartasuneko lokala danez, eta tabakoaren kontsumoa arautzen dauan legedia betez, txokoaren barrutian erretzea guztiz debekatuta egongo da.
- ✓ Guztiz debekatuta dago txokoan diruzko jokorik egitea edo kopuruak galdu eta irabaztearen ondorioz erabiltzaileen arteko hartuemonak okertu ahal dauan jokorik egitea.
- ✓ Era berean, txokoa erabiltzen dabenean udal arduradunek edo bertoko arduradunek esandakoa bete beharko dabe. Halaber, erabili ahal diran espazio edo materialak modu egokian eta behar dan xederako erabiliko dira eta erabiltzaileak izango dira ondasun eta pertsonen eragin ahal jakezan kalteen erantzuleak.



GATIKAKO KULTUR ETXEA  
Sertutxa auzoa 2 - 48110 Gatika  
94 615 1250  
kulturetxea@gatika.eus  
www.gatika.net



**Gatikako Udala**  
Bizkaia

- ✓ Txokoa eta bertako materialak txarto edo modu okerrean erabiltzearen ondorioz gainerakoei eragin ahal jakezan kalteak ezin izango jakoz Gatikako Udalari egotzi eta ezin izango jako berari pagetako eskatu, ez bada erabiltzaileen errua edo arduragabekeria izan behintzat (halakorik izan ezkerro), edo ez badago kausazko hartuemonik kalteen eta materialaren zein instalazioen egoera txarraren artean.
- ✓ Udal beharginen aginduak hausten dabean edo beteten ez dabezanei, edo zerbitzua, lokala eta bertoko materiala antolatutako jardueren xederako erabiltzen ez dabezanei, edo lokalean, instalazioetan edo bertoko osagairen batean kalteak eragiten dabezanei, oro har, zigorra ezarriko jake aplikatu beharreko araudia aintzat hartuta. Zigorra ezartzerakoan kalteen asmoa eta larritasuna eta kaltearen zenbatekoa hartuko dira kontuan.
- ✓ Eskatzailea, eta bidezkoa bada, eskatzaile subsidiarioa, ezin izango dira ezelan be txokotik joan, ganerako erabiltzaileak bakarrik itxita.
- ✓ Debekatuta dago txokoko instalazinoak ez diran elementuak ipintea, Udalari alde aurretik horren barri emon barik eta hark elementua ipintea baimendu barik.
- ✓ Halaber, elementu horreek ipintea ez dau inoz eraginik izango Urdoko instalazinoetan normalean edo nozean behin egiten diran jardueretan; jarduerak ohiko moduan gauzatzen jarraituko da.
- ✓ Udala ez da txokoko erabiltzaileek galdutako objektuen erantzulea izango.
- ✓ Txokoan dagozan erabiltzaileen erantzukizuna izango da bertan egingo dan edozein gertaera. Era berean, ondare-ondasunen eta Gatikako Udalaren izen onaren kontra egindako gertaera ororen erantzuleak be erabiltzaileak izango dira.
- ✓ Txokoko erabiltzaileek uneoro errespetatu beharko dabez giza eskubideak eta pertsonen arteko bizikidetzarako balioak, eta, ondorioz, ezin izango dabe jente aurrean ipini sinbolo edo elementurik, baldin eta herritarrentzako iraingarriak izan ahal badira, pertsonen duintasuna urratu ahal badabe edo indarkeria justifiketea iradokitzen badabe.
- ✓ Halaber, erabiltzaileek Gatikako Udala jakinaren ganean ipini beharko dabe, funtzionamenduan araudia urratzen daben gertaerarik antzeman ezkerro.
  - ✓ Eskatzaileak lokalean edo bertoko instalazinoetan (altzariak, ontziak, etab.) gertatutako kalteen barri emon beharko dau. Horretarako, Udalak herritarren eskura ipiniko dau horretarako beren beregi gaitutako telefono erantzungailua.



GATIKAKO KULTUR ETXEA

Sertutxa auzoa 2 - 48110 Gatika

94 615 1250

kulturetxea@gatika.eus

www.gatika.net



**Gatikako Udala**  
Bizkaia

Txoko-zerbitzuaren erabilera amaitzean jarraitu beharreko argibideak:

- ✓ Eskatzaileek bazkari, askari eta afarietan erabiltzen diran mahaia guztiz garbi itxi beharko dabez. Horretarako, erabilitako tresnak garbituko dabez eta jagokezan lekuetan gordeko dabez.
- ✓ Garbitasun-arrazoiengaitik, lokala erabiltzean sortutako zabor eta hondakin guztiak lokaleko erabiltzaileek botako dabez, bakotxaren birziklapenaren arabera banatuta.
- ✓ Segurtasun-arrazoiengaitik, argiak eta gasa amatatu dirala, leihoak eta lokaleko atea zarratu dirala, alarma aktibatu dala eta giltza jaso zan lekura bueltau dala bermatuko da.
- ✓ Giltza bueltetako orduan, behar dan moduan betetako «kontrol-orria» aurkeztu beharko da.

Gatika, 2017ko urtarrilaren 10a

**Gatikako Udala**

